



UNIVERSITÄTS-
BIBLIOTHEK
PADERBORN

**Sacra Veterum Temporum Uti Et Evangelica, Ac
Apostolica Historia**

Steinhart, Franz

Ingolstadii, 1734

VD18 90104692

Samson, Judex.

[urn:nbn:de:hbz:466:1-62332](#)

Samson, Judex.

Post Abdon Samson summum Magistratum, ac Heli summum Pontificatum adit. Ille divinitus sterili Matri promissus natusque in salutem populi sui, ac per Nazæreorum cæmonias DEO consecratus adoleverat inter mirabilia fortitudinis opera supra ætatem jam tum perpetrata; quibus Spiritus Domini, qui cœpit esse cum eo, se manifestabat, ac majoribus ausis præludebat mira DEI providentiæ, volentis Philistæos populi sui oppressores affligere, ita ut vexationis invidia in totum populum non redundaret, sed solum Samsonem injuriæ privatum affici, quam ulciscendò unus ipse hostilem populum probrosis dannis afficeret.

Ab An. 2848.

Samson ado-
lescit ad mira
fortitudinis
opera. c. 13;

Adultus ergo cœpit judicare Israël vexando scilicet hostes ipsius occasione conjugii initi, atque à Philistæis violati. Cum enim forte in urbem Philistæorum venisset amore cuiusdam puellæ, quam viderat, captus, eam à suis Parentibus petuit uxorem. Iste primò quidem renuebant, hortantes, ut potius de sua Tribu Dan aut saltē Hebræam uxorem duceret: demum tamen consenserunt, quod crederent, rem hanc à Domino fieri, ac in lege dispensari in Philistinorum perniciem. Celebratís sponsalibüs occasione occisi à se leonis Philistæis hospitibus ænigma propositum promissō solventi præmio. Solutum est non quidem convivarum ingenio, sed arte sponsæ, quæ per multas lachrymas à Samsonे expositionem denique extorsit, eamque deinde civibus suis manifestavit. Hanc mulieris perfidiam licet indignissimè ferret, tamen iis, qui videbantur ænigma soluisse, in præmium dedit vestes triginta virorum, quos in urbe Ascalone ex Philistæis occiderat; reiectaque uxore ad Parentes suos in patriam recessit. Ubī autem ira deferuit, ad uxorem rediit, utque eam demereretur, ei hœdum dono tulit. Uxor parata erat reconciliari viro. At parens petitionem rejecit, causatus filiam alteri jam fuisse in uxorem datam. Ignominia offensus Samson ab hoc die, inquit, non erit culpa in me contra Philistæos, faciam enim vobis mala.

Mox insolitum ultiōis genus excogitavit. Capti 300. Vulpibus centum quinquaginta præparavit faces, & binis quibus-
Sacra Veterum Temp. Histor. N que

Eorum agros
& vineas in-

cendit. c. 15. que ad caudæ initium colligatis longiusculo fune ne se facilè in
a v. 4. cursu impedirent, medium alligavit facem flammæ tenacem sic
que dimisit binas & binas in agros Philistæorum, quæ dum insa-
no cursu imminentem ignem vitare cupiunt captivæque fune
liberari, & alia alias eminus comitantes conspiciunt, parem
terrorem circumferentes calamitatem quæm latissime spargunt,
à segetibus, nam messis instabat, ad vineas, à vineis ad oliveta,
donec partim incendio, quod circumferebant, periære. partim
adusto fune caudâque semi-ustulata evasere, partim à Philistæis
captæ interemptæ sunt

Aliam iphi plagan infert. c. 15. a v. 16. Philistæi ultionem spirantes injectis ignibus in domum So-
ceri, qui tantæ cladi causam dederat, cum filia Samsonis uxore, combusserunt. Inde Samsonem primarium calamitatis Autho-
rem querunt. At ipse adventantes percussit ingenti plaga, ita
ut stupentes suram femori imponerent.

Afini maxilla mille viros sternit. c. 15. a v. 8. Quieturus erat Samson. At Philistæi cognitò, ipsum in
spelunca quadam, quæ erat in terra Tribùs Juda, delitescere,
cum justo exercitu illuc in hostem tendunt. Judæi sollicitij iis Legatos obviā mittunt, qui causam bellicæ expeditionis exqui-
rant. Illi unum Samsonem peti respondent, eumque sibi dedi-
postulant. Judæis justa visa est ac necessaria hoc tempore po-
stulatio. Mittuntur itaque tria millia virorum de Tribu Juda,
qui Samsonem vinciant, & Philistæis tradant, ut sic intelligent
non à Republica facta esse, quæ ille contra ipsos perpetravit.
Samson propriæ virtutis conscientius, & divini certus auxiliu non in-
vitus se à Judæis vinciri passus est. Ligatus itaque duobus no-
vis funibus traditur Philistæis. Isti lato clamore ad comprehen-
dendum hostem suum procurrunt; sed brevis fuit triumphus:
disruptis enim vi divina vinculis liber evasit, jacentéque ibi ma-
xilla asini veluti clavâ usus, ex Philistæis interfecit mille viros,
tamdiu cædendo, donec viribus deficeret: timens autem, ne siti
in arena moreretur, clamavit ad Dominum & ait: *Tu dedisti in
manu servi tui salutem hanc maximam, atque victoriam: en-
siti morior, incidamque in manus incircumcisorum.* Vix autem
orationem absolvit, aperto molari dente in maxilla asini egres-
sæ sunt aquæ, quibus refocillavit spiritum, & vires recepit.

Gazensee In-
ipso habet Deinceps sat longo tempore quiete judicavit populum
Philistæis occasionis defectu nihil moventibus; quæ ubi primùm
fe

se obtulit, ultiōem veterū injuriarū parārunt. Fortē Sam- ablātā urbīs
son in Gazam, eorum urbem venit, & mulieris cuiusdam do. portā. c. 16.
num ingressus est. Gazai, prædam tandem in casses incidiſſe
rati, circumdederunt cum positi in porta civitatis custodibūs.
tota nocte cum silentio praestolantes, ut factō manē exēuntēmoc-
ciderent. At spe sua delusi sunt; nam Samson media nocte ex-
citatus, deque imminente périculo divinitūs edoctus surrexit;
urbēque egressurus apprehendit ambas portæ fores cum posti-
bus suis & ferā, impositāsque humeris suis portavit ad verticem
vicini montis egregiō totius populosae urbis ludibriō.

Sed virum fortē, ac tantis DEI donis illustrem denique
vili muliercula, nomine Dalila, genere Philistea perdidit: hanc
cum amaret, ac frequentius in valle Sorec habitantem accede-
ret, id animadverentes philistaeorum Principes, fāminā singuli
mille & centum argenteos promiserunt, si Samsonem deciperet,
ac fortitudine sua exutum sibi in manus traderet. Infida pre-
ces, blanditias, & lacrymas diu eludentem demum importunita-
te vicit, ut secretum fortitudinis suā septem crinibus suis adna-
tæ aperiret; quæ nunc certa de sincera confessione somnolen-
lento persuadet, ut dormiat super genua sua, & in sinu reclinet
caput. Samson altū jam dormiente jussit moneri Philisteos,
similque consorem adesse, qui crines seu cincinnos caute abscin-
deret: quō factō Philistai ex insidiis irrumpentes imbellem
catenis vinciunt, vincit oculos eruunt, in urbem Gazam abdu-
cunt, ac carcere clausum molam asinariam versare compellunt.
Famā hujus eventūs mox ubique pervaulgatā tota Philistaeorum
terra lācis clamoribūs personuit: *Tradidit Deus noster adver-
sarium nostrum in manus nostras, qui delevit terram nostram,*
& *occidit plurimos.* Insuper gentis Principes, ut conjunctō stu-
diō sibi, Deōque suo gratularentur, indicto in urbem conventu
magnificas immolārunt Dagoni hostias. Sacram solemnitatē
excepere convivia à Principibus & populo adornata. Mensis
solutis ad complendam lātitiam publicam domum adiérunt,
ubi alias ludi celebrari solebant. Educitur ē pistriño Samson,
ac inter duas columnas positus fuit ludibrium spectantium, &
abjectio plebis Philistae.

Opere, ludo, vexatione demum fatigatus petit à famulo, Meriens po-
qui cæci gressus regebat, reclinari tantisper ad columnas sub puluſi servi-

tute liberat.
C. 16. 27. 26.

specie quietis & respirationis captandæ, re ipsa, ut earum crassitatem, atque distantiam exploraret; quod dum facit, & à Spectatoribus errans in tenebris ridetur, consiliō interim suō, viribusque dissimulatis (nam capilli ejus jam renasci cœperant) oratione quam maximè supplici *Domine Deus*, inquit, memento mei, & reddere mihi nunc fortitudinem pristinam *Deus meus*, ut ulciscar me de hostibus meis. Facta hac oratione gemitu cordis potius, quem vocis sonò repente concussit fortiter columnas, ceciditque domus super omnes Principes, & cæteram multitudinem, quæ ibi erat circumfusa. Qui verò Spectatores in solario superiorib[us] locis confederant ad tria ferè millia, præcipitiō contradicati, consequeūtive periērunt, multoq[ue] plures interfecit moriens, quam vivus occiderat. Atque ita rem bene disponente divina providentia, tot tantorumque virorum cæde accisæ atque afflictæ res Philistinorum, vix post annos plurimos reluctandæ, corruerunt; Israëlitarum verò servitus mirabiliter hoc casu terminata est, quam Philistæi ipsos quadraginta annos oppresserant.

Heli, Judex.

Samuel filius
precum. I.
Reg. 1.

Samsonem occiso Heli, qui viginti annis hactenus summum Pontificatum geslerat, deinceps simul etiam Rempublicam judicariæ potestate administravit. Hoc Pontifice, & Samsonem adhuc Judice, Elcana Ephratæus cum ultraque uxore sua Phenena & Anna, ac reliqua familia pro annuo more ad sanctuarium in Silo ascenderat, obtuleratque hostias pacificas Domino, quarum pars quædam in altari juxta legem succendebatur DEO, pars Sacerdotibus cedebat: reliquum coram Domino epulabatur cum suis. Anna cœteris adhuc prandentibus sola tabernaculum repetiſt, ultimum coram Domino ploratura, sedente summo Sacerdote super sellam ante postes Templi Domini. Procidens in genua inter multas lacrymas oravit Dominum, ut daret sibi filium, promittens, se nasciturum Domino, ejusque famulatui perpetuò mancipaturam. Hic Heli putans eam esse remulcentam, forte ob ardentem faciem, capitlsque ac manuum gesticulationes eum indignatione, usquequò, inquit, ebria eris? digere paulisper vinum, quò mades, & recede à conspectu Domini.